



ATASSUT

UKA 2015/39

Siverth K. Heilmann

10. 11. 2015

Ilinniagaqartut nunatsinneersut Danmark-imi najugaqartut nunatsinni Folketing-imut qinigassanngortittunik qinersisinnaanerat aqququtissiuunniarlugu Folketing-imut qinersinermut inatsisaasup allanngortinnissaa pillugu saaffiginninnissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inuit Ataqatigiit Inatsisartunut ilaasortaataat)

Matumani Inuit Ataqatigiit Inatsisartunut ilaasortaataasa Inatsisartut aalajangiiffigisassaattut siunnersuutaannut ATASSUT-mit qutsavigissavagut. ATASSUT-mit imatut naatsumik siunnersuummut tunngatillugu oqaaseqassaagut:

ATASSUT-mit pingaartitarilluinnarparput Kalallit Nunanniit ilinniariarlutit nunatta avataaniittut sapinngisamik nunatsinni pissutsinut malinnaajuarlutik uternissaminnut aamma kajumissuseqartuarnissaat.

Taamaattumik matumani siunnersuutigineqartoq ATASSUT-ip tunngaviusumik isummersortaasiannut qanittuararsuuvoq, taamaattumillu arlaannaatigulluunniit assortorsinnaanatu.

ATASSUT-mit aamma Naalakkersuisut akissuteqaamminni erseqqissaatigisaat ilalernartippaat, tassalu ilinniartunuinnaq samminani aamma allatigut peqquteqarluni nunatsinniit qinigassanngortittunik taasinissaminnik periarfissaqanngitsut ilanngullugit isiginiarneqassasut.

Taamatut ATASSUT-mit oqaaseqarluta siunnersuutip akuersissutigineqarnissaa inassutigissavarput.